

崇仁縣志卷五之一

武備志



兵制

元軍分爲八翼有撫州翼萬戶府至元初復移建處州翼萬戶府設達魯花赤萬戶副萬戶鎮府經歷知事提控案牘各一員所屬有千戶所設正副千戶百戶無定員吏目彈壓打鷹頭目各一員

明初仍元制萬曆二年添設總司守備一員爲撫州營崇禎七年又分撫營兵於招撫設招撫把總一員撫營精兵共八百壹拾八名崇仁壹百二十七名每名工食銀八兩九

崇仁縣志

卷五之一

武備志

兵制

一

錢歲以一半守縣一半赴營操練萬曆丁巳調撫州兵六十九名勤王留於會城而撫州六十九名盡汰內崇仁汰十二名合撫州共七百四十九名崇禎壬申寇警倉皇設募鄉兵寇亦旋退知府蔡邦俊議善後遂乃復募五十一名爲八百名內崇仁八名以四百宿撫營以二百駐招撫營臨川附郭餘五縣各留四十名共二百名俱仍撫營官節制

國朝初兵馬駐防無定額順治九年撫州設分鎮遊擊一員中軍守備一員千總二員把總四員馬戰兵一百六十名步戰兵二百四十名守兵四百名康熙十五年盡文改設

40250.127
38
19

副將一員左右守備二員千總四員把總八員增添步守
兵丁一千二百二十名共足二千壹十五名至十八年全
營官兵奉裁撫屬六縣率歸提鎮兩標撥發官兵防守二
十四年奉文設營制官兵四百四名守備一員千總一員
把總二員馬戰兵四十名步戰兵八十名守兵二百八十
名千總一員兼臨川崇仁汎額馬步戰守兵丁壹百七十
五名
分防崇仁外委額舊額兵丁五十名乾隆年間撥赴郡城
二十九名現留二十一名駐汎

營署在北城內昇仙橋惠民倉舊址

崇仁縣志

卷五之一

武備志

兵制

二

汎塘七處每塘兵丁五名汎防今廢

黍山橋 民塘 朱陂 街 潭溪 白溪 太

平市 羅坊橋

操場舊在縣治西門外石塔岡中為演武廳翼以兩廊與社
稷壇近宋時在尉廳東後開禧三年令許繹尉楊大智於
教場後舊營地作營房一百間設弓手九十五名久廢今
逢考試武童騎射於一都廬家洲

民兵附

古皆營旅屯戍之外有民兵明太祖初循元制設民兵
萬戶府簡民間武勇編伍操練有事用以征戰無事仍
還為民有功則一體陞賞後改設衛所專統屯戍之卒

遂廢民兵萬戶之職而民兵以州縣官領之民兵之制或由編僉或由召募其目有四曰機兵以習火器名曰弓兵以習射名曰捕兵以伺緝名皆由丁糧計戶編僉其召募而充者曰民壯迨後機弓捕三兵編派徵銀則均由召募矣每縣機兵在處多者七八百名少亦三四百名嘉靖間江撫以所在機兵多孱怯不足恃乃議汰羸選銳十揀其二之壯勇者而練之謂之精兵其餘以其半歸農而徵編銀解部謂之草兵銀以其半歸本縣差遣謂之常兵後疊經裁省十存二三今州縣快手馬快諸役皆明嘉靖後所謂常兵而其前則均機兵也弓

兵在宋時謂之騎射軍凡州縣管界地分闊遠處置巡檢一員領其軍自三百人至百人不等崇仁自宋時設巡檢在縣南明洪武二年設丁坊河亭二巡司各巡檢所領弓兵尙百人後遞裁至崇禎間僅十六名今鳳岡司僅存弓兵貳拾貳名蓋其初用以訓練備禦其後僅供差役故疊加裁汰所謂披隼翼以號爲隼翼去而隼之名不改者也捕兵舊統於縣尉古者縣設左右尉右尉專典武事追捕盜賊伺察姦非明代不設縣尉之職以捕兵并領於知縣遞裁至十餘名今但謂之捕役而已民壯始於明正統中令所在招募武勇就本土官率

領操練遇警調發給以行糧而禁役占放賣之弊天順初令民壯鞍馬器械悉從官給宏治初立僉民壯法以州縣大小定名數差等

國初裁汰康熙初飭州縣復設民壯以五十名爲額雍正間再加核減乾隆元年增民壯修理器械銀今見存民壯若干名夫自宋紹聖中州縣官不預軍事營汎卒旅不得狎行調發所以戒備非常應變倉卒者民兵而已蓋嘗考撫軍王守仁之擒宸濠也傳檄郡縣會師屬討其時所以備左右翼前後隊將領者皆知府知縣也而吉安守伍文定及所屬知縣功勳爲多其所領之眾

則亦其在縣之民兵而已民兵者州縣官自召募之訓練之控御指揮無不惟命平時以給差遣有事用資捍衛要在綜覈精練循名責實是亦寄軍令於內政之遺意與至於備非常保鄉里使民皆能兵守望相助則無出於保中之法自宋王安石祖周官比閭族黨相安相受之意籍鄉村之民十家爲保保丁皆授以弓弩教之戰陣其要在於訓練齊民使皆可戰稍復唐時府兵之舊以減募兵紓民力而其時奉行者不善是以莫收實効

明王守仁巡撫江西檄州縣通行十家牌法十家牌法者卽保甲法也其申諭畧曰每十家各令挨報甲內平日習爲不良之人同具不敢隱漏結狀官府爲置舍舊圖新簿記其姓名姑勿追論令自今改行遷善果能改化者爲除其名境內或有竊盜卽令此輩自相挨緝若係甲內漏報仍并治同甲之罪又每日各家照依牌式輪流沿門曉諭覺察則奸僞無所容十家之內有爭訟等事同甲卽時勸解務令講信修睦息訟罷爭十家牌式其法甚約其治甚廣果能著實舉行不但盜賊可息詞訟可簡又云凡立十家牌專爲止息盜賊若使每甲

各自糾察甲內之人右甲如此左甲復如此城郭鄉村無不如此以至此縣如此彼縣復如此遠近州縣無不如此則盜賊何自而生夫以一甲之人各自糾察十家之內爲力甚易不嚴十家牌法是不爲其易而爲其難也嘉靖間江撫胡松飭所屬令民居五百家立黨正副各一人統五村長每村長一統十鄰長每鄰長一統十家大小相維有保章功 國朝保甲之法益爲詳便歷經督撫大臣各案地方情形酌定條規歸於簡當乾隆二十二年復責成道府督率州縣無分城市鄉村水陸居民及雜色人等俱造兵烟冊每十戶爲一牌十牌爲一

甲設立甲長牌頭保正其牌頭照舊輪流承應保正甲長令紳耆公舉擇人點充凡例禁之事責令稽查首報其鄰境差緝逃匪并許先行密同協捕獲犯到官三年更替分別勸懲夫保甲者古謂之保甲兵是亦民兵類也津塗之盤詰寄諸塘汛姦匪之巡緝嚴諸壯快又復實行保甲俾鄉保聲援守望相助於以爲有備無患之周計而著兵民相衛之實效故畧疏原委俾悉心防圍者可以類而稽云

廬陵黃有恒保甲議

有恒元任保德州知州

從來弭盜安民之法莫善於保甲然地有廣狹俗有淳

崇仁縣志

卷五之一

武備志

兵制

六

漓城鄉鎮市雜湊錯出之不齊轉移遷徙之無定固稽查之宜嚴亦必鼓舞之有方蓋官長以保甲爲善政而商民視保甲爲苦役何以使之樂從而與捕役互相糾察耶夫本地匪類保甲斷無不聞卽外來盜賊窩線總在本境果其保甲奉公惟謹留心查訪踪跡難揜捕役無所逞其伎倆倘保甲縱弛則捕役陰操其權而保甲反受其脇制何也人情莫不好利而捕役則以盜賊爲利藪而取之無盡用之不竭者也是以案情一發官雖嚴加責比而十無一獲刑可以茹而利不肯吐卽官懸重賞亦以爲賞不可必不如受賊賄之現成當其地方

失事且夕之間盜賊焉能出境乃明知窩線黨羽而夥
伴散役串通彌縫積匪畏罪約數分贓遷延時日真贓
化爲烏有正賊已經遠颺縱收禁家屬勒限緝捕亦無
補矣其或官銜犀利筆楚難當則捉他賊支吾指疑似
搪塞甚且羅織情形請官嚴訊官察其奸而不加深究
則反咎官爲寬縱後來之事難辦倘官墮其術中而疊
加刑夾輾轉扳扯冤及無辜卒之贓物無據及釀事端
而正賊仍逍遙局外安享其利旁觀莫不爲之竊笑或
偶而簽批令其過州越縣掛號躡緝則訴告同衙官不
體恤內則家計難支外則盤費無措爲詞徘徊觀望又
從而搜求鼠竊以助其貲旣無奉公之誠焉得有効力
之念總之捕快一役原多狡獪因圖利而充當寔計受
害者之痛心切齒也哉至於各州縣鄉俗鄰人被盜夜
呼閉門不出者甚多懼賊之移禍也故俗情雖避禍亦
未嘗不貪利凡一庄一村之內孰爲良善之家孰爲不
正之人素有定衡交結往來之客晨昏聚散之由難揜
旁人耳目而賊凡夜偷日先探路窩線行踪雖極詭秘
邂逅之際豈無人知然有害而無利誰肯出頭首報雖
知猶不知也一有重賞在前則貪之者至矣矧一人得
賞眾皆艷羨將隨時隨地無不關心留意則賊有所顧

忌而不敢犯矣此保甲捕役不可不豫爲綢繆而使之樂於趨事也惟是州縣所有廉俸公私支銷常無剩餘卽欲以財利結其心而無所從出徒托空言或者又謂此說未必中的嘗見案封重賞并給路費而經年累月仍無弋獲懸案不結則利之不足恃也而究之未嘗體貼其隱也彼狡獪之捕已籌之審矣官捐金而賞之吾獲賊而受之一案旣邀其利百案難卸其責與其叨微末之惠而貽日後無窮之累不如賣放甘比不致招同夥同謀之怨而絕身家衣食之源也夫事不觀風問俗揆情度勢何以灼知其奸狀而洞悉其幻局徒使良法

美意祇有其名而鮮實濟不但官羅處分而百姓之被殃甚大竊不自揣竭其愚慮以爲弭之於已然不若弭之於未然謀賞於臨時不若謀賞於先事於是以節省所餘出四百金交四鄉當舖營運生息以爲獲盜給賞之費四鄉之紳衿富戶好善向義之徒一聞其說皆有保固地方之思欣然破囊共捐銀六百兩併歸當舖擇各鄉之殷實端方者收掌簿籍如某鄉之里甲舉報竊盜以及窩線則令某鄉執簿向當舖取賞如捕役於某鄉獲盜及盤獲窩家引線亦卽就其鄉當舖給之以事之大小賍之多寡定賞之輕重賞銀必送案驗明掌簿

者按其年月逐一登載年終彙查如一里於一年之內
首報五案以上一役於一年之內拿獲五案以上另行
核賞賞外而有餘銀酌量村庄大小分撥爲冬間僱夫
支更之需且傳諭各鄉掌簿者以事關垂久本勿輕動
亦皆人人仰體謹爲護持不敢過耗在捕役則旣獲現
賞又邀官寵惟冀拿獲之多得資日用之費而賍賄有
所弗屑竊盜計窮案牘不積在閭黨知有公項就近取
賞亦各留心察訪據實首報不肯瞻徇回護以長盜風
而比鄰之交傲不復有閉門怯盜之態在賊盜聞風知
立法甚周托足無地無不斂跡遠避不敢自投羅網而
夜戶可以不閉眾志成城隱隱具崇墉之象無兵守固
凜凜有難犯之形從前曾試諸葛爾數年頗著其成效
云云

按語云有治人無治法然有其法無其人與無法等
卽有其人無其法亦與無人等今存其法以待其人
惟留心民瘼者念之

上徐邑侯書附

明陳蜚英

詩曰先民有言詢于芻蕘又曰如彼飛蟲時亦弋獲言
千慮一得也况當羽書旁午正台臺枕鈴起舞之秋敢
不謁鄙衷而一吐其愚乎某以爲江北之賊以數十萬

計勿謂天塹足恃寇不能飛渡也秦不嘗投鞭恐晉乎
晉不嘗鷓首平吳乎是詎堪怡堂而無萬一之防哉江
防一潰則江南半壁固有未可知者烏合之眾如飛如
翰旦夕可犯吾圍不可不慮者一也側聞曰者軻兵蠢
動三百餘人沿江標掠出沒不定前者九連流寇今已
乘機竊發昔曾大勑吾境安知其不捲土重來乎不可
不慮者二也且物情滋玩人心思變不逞之徒無地無
之邇來賣菜傭橫行邑中側目此皆台下所經藉警也
晝則爲市中之虎夜則爲禦人之暴借使嘯黨聚羣一
人呼戟風鶴皆兵孰敢爲之誰何吾恐盜賊之憂不在

江北而在肘腋也更不可不慮者三也三者既有可虞
而所以待之者一道而已請言其略一曰修城堡二曰
備火藥三曰嚴保甲四曰募鄉兵五曰屯外營夫修城
堡者非謂增高官城也守得其道城固不在高所可議
者獨民城一帶耳曰前已廬明慮而昨示所云又以爲
恐不及事焉何耶某嘗讀武備有云離城數丈而多廬
舍者此不守之城也何也民之輜儲勢不能悉搬使盜
得以資其餘是齎之種也且門扉什物盜得藉以結營
固壘而或席或居爲棲息具者是授之室也兵法所謂
遺人獲也况登高屋可以瞭城內之虛實藏罅隙可以

攻城上之守兵南城之民居又倍於北城賊縱一炬則
烽火連天保無飛火入官城乎城中之民保無望之而
恐嚇致奪其固守之志乎是故以修民城爲便民城修
則南北兩峙唇齒相輔首尾相救民自有廬舍自有資
財則亦自捍其藩籬自保其父母妻子而自安其固守
之心杜其逃避之計環鄉之眾兼有趨附而共衛者賊
野無所掠勢必不能持久策無善於此者今且以爲或
迫於事棘而力不及修或防於官守而力不暇修或艱
於民財而力不能修某以爲見兔顧鷹未爲晚也台下
果著實行之首爲民建長久之福民亦自固其圉孰有

不予來者乎無患事棘矣一面守官城一面修民城無
患官守矣至於財力不及請台下先捐少許以爲民倡
餘或借辦於邑之薦紳鄉之富戶樂輸者聽其自入俟
徐派還償水次倉一帶所費則鉅當以通邑之糧派餘
以各坊之城計所費之多寡則以各坊之糧派如此而
民財又無患矣此城堡之宜修也夫備火藥者非謂徒
恃一鐵銃爲長技也有燕尾炬以燒木驢有鎔銅熬鐵
以唧攻人有火磚火毬以藏地鼠蒺藜當預命善爲起
火爆竹者造試之一切弩箭灰石設轆轤之架懸奈何
之木生皮濕絮皆所以輔之也此火藥之宜備也夫嚴

保甲者非謂必編於伍也十家之中家有長各自爲守一里之中里有帥各自爲衛族大者統於族散姓則統於家之長里之帥令各備鳥銃強弩利械麻搭火鉤若干并家置水具以防火攻一家不率責及十家十家不率責及里師有事則登城共守無事則奸細不生此保甲之宜嚴也夫募鄉兵者非謂按籍而徹也鄉之精壯勇敢招之以爲義員昔之無賴亡命悉并收之宥其風愆激其壯氣則虞詡三科之募可法也而三十都各鄉之捷師取之作教頭與夫二十七都三十九都各鄉之善射虎者取其人使煉其虎藥事迫之際并可資其冷

弓亦驚敵之法此鄉兵之宜募也夫屯外營者非謂苟城安寨也善守者守境外不善守者守城內今悉崇之境東北界於臨北界於豐西界於樂南界於宜東南通於建某以爲須札十營一駐於西館一駐航埠互爲犄角以禦臨川路一駐於堂岫一駐於石頭嶺以禦豐城路一駐於謝坊一駐於河亭以禦樂安路一駐於孤嶺一駐於滄源以禦宜黃路一駐於諳源一駐於楊家橋以禦建昌路各實之以本土鄉兵而以官屬及知兵者總之令練陣習操埋伏火器一方有急調相去遠者各一兵以援之一兵留守以防不測每設暗號爲信近城

急則五路合兵以赴此外營之宜屯也然此固經生夏
蟲之見陳其大略已耳若夫設奇決勝不戰屈人白下
自有妙算非愚生所能與知第昔人師馬師蟻或有片
語合事宜者幸採擇審量焉

齊斬曇朗傳首建業

三年江州刺史周廻反以吳明徹爲安南將軍督黃法纘周敷共討之六年臨川太守駱牙誘而斬之

隋文帝開皇九年平陳之役王世積至豫章巴山太守王誦安成太守王瓘鄱陽臨川守將並詣世積降

唐僖宗乾符四年賊帥朱從立據邑石牛洞竊稱名號是歲詔補危全諷爲討捕將平之已而全諷據撫州鍾傳傳云王仙芝遣李彥璋掠撫州不能守傳入據之中和二年傳去撫州南城人危全諷復據之

宋高宗建炎三年十一月金人寇撫州是時隆祐太后幸虔州後軍王世雄潰以兵犯崇仁又犯臨川金谿鄧傳二社率部民兵與戰賊潰退至南湖殺獲甚眾

紹興元年十二月宣都李敦仁寇崇仁

理宗紹定三年春汀寇入宜黃焚崇仁郡城大震帥闕遣遊奕軍來援兼檄鄧傳二社兵暨坊團義兵登陴設備賊遁已而事聞於朝池州都統夏友諒京湖都統張震道監軍陳塏提重兵踵至悉盪平之

元世祖至元十三年七月樂安寇詐稱勤王兵劫掠至崇仁監邑孫廷玉馳告帥府命招討使也的迷失統番漢軍討之寇悉入民居官軍遂焚南市獨遺大佛寺殿伏屍數里

十四年九都人有字號謝監軍者復叛尋討平之又二十四都人羅辛二聚眾數百自洛湖長驅入縣監邑忻都遁尹羅謀遇害焚縣治文廟去孫廷玉導帥府兵屠之

順帝至正十二年閏三月紅巾自臨江富州今豐城入撫州

監郡完者帖木兒元帥章士謙戰屢捷寇不能入而宜與

崇仁樂安焚蕩幾盡邑中僅存譚陂橋桂溪堂三皇殿武

當行宮關王廟數處

十三年臨川民胡志學郡志作宜悞鄧和舊志作鄧和據臨川志改崇仁民

杜四熊三劉世英等各署將校攻劫不已參政朶反師久

無功朝廷命廉訪使吳當兵部尙書黃昭招捕

崇仁縣志 卷五之二 武備志 武事 三

十六年吳當調檢校章迪率本部兵與黃昭夾攻撫州勦

殺首寇胡志學進兵復崇仁宜黃邑遂定

按舊志載當等由浙達閩十六年偕守禦元帥章士謙

監郡完者帖木兒召募義兵兵威復震唐以順黃春乘

勢誘殺胡志學於東塔山與史傳小異

十八年陳友諒陷撫州十九年六月新淦寇鄧克銘擒殺

劉世英據崇仁樂安友諒以克銘為右丞據撫州

二十二年明兵取江西龍興諸路八月金大旺擒克銘弟

至銘及其黨鄧敬與等於崇仁郡境悉平十月喬亭羅五

復叛官軍再進掃蕩無餘

明正德十六年六月逆濠餘黨林十一吳十三等流劫郡邑
白晝率部落蜂擁入縣治縱火扼要路繫丞賀縉劫庫藏
邑民何湛六率眾環攻遇害後援兵益奮生擒七人斬首
二十一人

嘉靖四十年閏五月閩廣流寇數千突入崇仁八月復入
前後殺戮不下七百餘人室廬財貨焚劫幾盡後官兵敗
之於豐城臨江

崇禎五年贛賊數百人從永豐入樂安崇仁宜黃多被焚
掠各鄉民兵禦之殺傷相當半月而遁

據報李馥北耆邑庠生明萬曆時流寇攻城馥傾已財
崇仁縣志 卷五之二 武備志 武事 四

賂之寇乃退壬午大飢施棺葬餓孳並捐米助賑全活
無數余應秋珠溪人明崇禎壬申五月流寇倡亂鄰境
應秋出銀百兩賄寇勿至都人賴以安

國朝順治二年夏六月金聲桓提師至江州傳檄南昌撫臣
以下皆走顧遲疑未敢入糧道黠胥邵德甫倡眾齎冊迎
附金德之使領職司凡諸螫虐皆德甫爲謀主崇仁有詹
賸一者嘗爲盜依章吏部光岳門下以免後悍戾不馴吏
部子欲寘之法遂銜怨無何江變賸一嘯聚千眾破吏部
家而手刃其主以重鑿媾金帥得受練兵守備有趙某者
邑孝廉王秉乾邑中壯丁也習攻木以技食徽之婺源一

曰擲斧而還若有神使者號其鄉人曰我趙帥也詹部二
賊不道帝命殛之有應者則令各認一技閉戶書符呪之
卽自能起舞擊刺進退皆有法眾至數百名曰神兵時德
甫等正會師撫州聞報怒甚出甲千數襲之趙已前知其
事驅眾伐木樹柵自固德甫兵至趙鼓譟出舉槊刺德甫
中腹隨馬刃出於背賡一繼進刺之洞胸立死會有知其
神者屠狗血灑之術遂敗數百人俱死趙亦見殺乙酉年
十月事也

見徐芳
神兵志

按選舉志明季 國初無趙姓與人存考

康熙十三年逆藩耿精忠踞閩叛遣偽將易明攻撫州城陷

崇仁縣志

卷五之二

武備志

武事

五

土賊小約及甯都流匪乘間盤踞各邑金谿知縣白琬如
迎降崇仁知縣陳潛棄逃東鄉知縣汪士奇臨川知縣邱
泰隨知府王永茂請兵南昌九月正黃旗將軍希爾根鑲
黃旗將軍哈爾哈齊正紅旗將軍舒恕統領禁旅分路討
勦撫城池先後恢復

邊錢會匪情形附

咸豐二年十月間有邊錢會匪李運紅等大隊自宜黃界來
至崇仁上鄉之鳳岡墟闖入巡司衙內打毀房屋擄搶一
空圍巡檢孔繼賡欲殺經生員陳棣華等拚救得脫帶往
黃朋玉家賊恐官逸去請兵尋見朋玉勒令看守脅以危

言朋玉漫應之越三日賊由鳳岡過河往城岡洲上演陣
生買何鯉登陳棟華暨夏青雲黃朋玉等先至河邊俟賊
過橋暗賊人數共計七百二十八人鯉登等於是胆壯密
議邀集民勇擊賊又二日賊往大羅勒索財物聲言往縣
搶劫富戶何鯉登陳棟華夏青雲黃朋玉陳開基楊樹森
等乘間暗約近村壯丁預備器械倘賊回鳳岡卽大同迎
剿又密令人賄賈公文赴縣告急中途爲賊所得何鯉登
等知事已洩鬥志愈堅賊果分二百餘人各執器械回鳳
岡何鯉登等鳴鑼爲號眾鄉勇蜂擁而前不下千人迎賊
鏖戰當殺賊百餘人生擒者數十餘人揪至巡司大堂盡

殺之此時勢不能休眾鄉勇趕赴大羅分三路入村賊方
飯畢見鄉勇突至手無器械驚惶失措被殺數十人眾賊
旋執兵器與鄉勇戰因見同伴殺斃多人已先喪胆壯勇
黃金龍爭先砍倒大旗眾鄉勇協力齊心勇氣十倍殺賊
百數十人生擒十餘人賊敗走聚一山頭作負嵎勢時縣
主薛鳳書外委周得鳳巡檢孔繼賡亦帶勇數百名至十
一都又來鄉勇百餘人與上鄉壯勇一同開鎗奮擊賊四
散狂奔眾勇跟踪追勦又殺賊無算生擒十數名縣主薛
鳳書更督官紳及鄉勇分路窮追從各山隈搜殺殆盡越
宿乃回先是縣主甫聞警信卽邀集富紳謝蘭墀謝蘭積

等捐貲招勇又令職員李廷浩廩生黃鍾振戶書黃安福同時出力一面築起北城倒口數日內勇已招齊聞賊屯大羅卽帶勇馳往因與上鄉民勇合一成功而歸夏青雲亦隨押解就擒諸賊進城縣主盡囚之解送省垣正法一面令人送錢九百十至鳳岡散給鄉勇口糧又具文飛報府省各大憲請兵撫標武弁毛浙江遊擊常各帶兵數百至鳳岡防堵偵探賊無踪跡乃還是役也眾鄉勇攻賊不備因而得手賊首李運紅盧金標鄧拐子等或格斃或監死賊眾亦罕得生還眾鄉勇中僅損一人縣主將城鄉勦辦情形及捐資出力人數開列姓名申詳由 撫憲咨

崇仁縣志

卷五之二

武備志

武事

七

奏請獎奉

旨賞給實職虛銜有差

髮逆情形附

咸豐五年冬髮逆據臨江崇邑戒嚴邑令費兆鎔諭城鄉分辦團練於城內設立總局派職員陳鳳誥拔貢黃士元董其成又於近豐城各要隘設勇防守六年二月逆首偽指揮李紅先統眾二萬由臨江經樂安界竄入崇境攻撲縣城邑令費兆鎔帶勇出城堵禦眾寡不敵二十四日城陷賊初入城意存要結殺戮無多於近城三十里內大掠三日然後出偽令安民設立各偽官曰監軍軍帥師帥旅帥

以次相攝橫索民財又挨家敲門牌查戶口軍帥按畝征糧由監軍發給偽串賊兵過境者勒民供給費用多般騷擾民不聊生九月初旬經方伯李元度領各將佐及邑令費率五岳寶慶志同三營官軍圍縣城與賊屢戰於城外大敗之遂於初九日克復縣城賊走撫州仍常有奸細入崇境窺伺官軍防查甚密十月初撫州屯賊偽丞相汪逆偽指揮倪逆李逆復領大隊攻縣城官軍與賊屢戰互有殺傷初九日夜忠臣祠硝磺局不戒於火祠焚硝磺盡失官軍莫施鎗砲戰守無資遂於初十日退札豐城是日賊復陷城賊恨民助官軍甫入城即分賊下鄉數十里內淫

擄焚殺慘毒備至此次不復安民任賊黨殘暴無已設偽官如初勒取民財饕餮尤甚凡民稍有家資者悉被倒懸賊館煙薰火烙逼財贖命不如意者即殺之偽監軍強與民事於南城洲上搭一高臺捉人妄訊動輒就臺上聲罪殺人剖取心肝數月以來城鄉淫殺無虛日過境賊兵并擄去壯丁及孩童無算斯時百姓富者逃亡過半貧者匿迹深山骨肉分離死亡相繼民日夜望官軍至拯已於水火中也七年八月太守李清華帶兵自豐城來圖復崇城札長安墟城內賊約撫州賊分兩大股撲其營營潰而太守殉七月王觀察鑫帶兵三千至上鄉招集團勇鳳岡林

頭一帶屯賊悉被誅戮約萬餘人賊屍蔽河而下城內賊
眾見之胆落潛遁城外王觀察旋回樂安病故八月太史
吳嘉賓泰將武明良千總陳英帶兵札上鄉上鄉團勇聞
賊大隊已遁不謀之官軍千餘人追入縣城殺賊數十人
城外左港劉家渡一帶屯賊即日回城掩擊殺斃團勇數
百人因復據城自是益無忌憚殺戮彌慘眾百姓齊心憤
激西下鄉貢生汪波等招集近村壯勇保衛鄉閭賊擾其
鄉卽時梟首聲勢頗振南鄉黃道謙卮宗洛上鄉王謙夏
步瀛等亦就本鄉招集民勇各數千人力守村隘賊不能
逞志恨甚適僞翼王石達開於十一月帶馬步諸賊十餘

崇仁縣志

卷五之二

武備志

武事

九

萬由吉安往撫州路經崇境眾賊紛紛迎接未遑與民爲
仇十二月僞丞相周逆帶賊眾擾南鄉之熱頭村黃道謙
帶勇迎勦殺斃周逆并賊百餘人是月花旗賊僞元帥羅
逆領大股由永豐來黑夜竄入上鄉太平市隨竄入山心
王家村兩處各殺死良民數千次日王謙等督率壯勇跟
賊所向太平市谷岡金家村庄一帶與賊連戰數次又陣
亡數百人賊旋下南鄉擾密石村等處黃道謙帶領民勇
與賊連戰二十餘次一月之久勇力旣竭賊眾愈增遂於
八年正月初六日攻破鄉團由貫橋入澧坡橋殺死良民
三百餘人乘勢入滄源村殺死良民并傷害婦女共數百

人焚廬舍數百家賊眾并入縣城二月觀察蕭印啟江今
中丞劉印坤一及田王一統領督率六兵札縣城外戰敗
賊黨數次遂於三月初六日克復縣城痛勦羣賊僞先鋒
朱逆帶餘黨逃脫官軍追殺甚眾西下鄉汪波亦率鄉勇
追賊至界山嶺而還復請官兵與鄉勇合殺散本縣屯賊
黃道謙等率鄉勇殺散南鄉屯賊王謙等亦率鄉勇殺散
上鄉屯賊越數日撫州賊僞丞相汪逆暨僞先鋒朱逆各
領大股專攻秋溪汪波等帶勇迎戰因團勇被殺多人眾
遂潰散賊分下各鄉將秋溪上下左右民人搜殺殆盡焚
廬舍將近百村汪波等復集團勇跟賊踪至撫州助官軍

戰而崇邑自是暫安矣八月十八日吉安殘賊僞將軍戚
帶數千人窺入縣城邑令韓彤文堵禦不及遂死於難并
失去印信賊據城殺人無算又分賊竄十二都視上三村
監生楊履亨帶勇於女官山防堵戰敗陣亡賊沿路殺死
男婦三百餘人十九日精捷營江帥印忠義帶兵勇數百
由吉安馳入崇境天將曉官軍分擁上城賊不能守焚各
衙署棄城走宜黃官軍復於城外跟踪追殺境內肅清兩
城同日克復十一年二月十一日僞忠王李秀成統眾十
餘萬自建昌入崇境汪波帶勇禦賊於界山嶺勇潰被擄
甚多賊遂直撲縣城邑令沈曦帶勇出城堵禦賊鋒莫遏

於是月二十日擁入北城越三日彰武軍觀察丁竣太守郭式元帶兵至崇縣主隨營出力克復縣城賊走臨江此次城鄉擄殺百姓約一萬數千人七月李逆由湖北敗回自臨江在建昌路經崇境又擄殺百姓萬有餘人同治三年四月十六日偽侍王李世賢領眾數萬由建昌入崇攻城邑令屈懷珠帶勇守南城賊分路竄入勇莫能禦是日城陷賊據城數月有餘淫擄焚殺毒惡異常各鄉全家遇害者莫計其數初經鮑軍門統領大兵與賊戰於豐城之五馬坊賊大敗走入崇境五月初十日精捷營兵備道江忠潮札營木源村十五日精毅營方伯席寶田札營三山

廟五月二十日領楚軍觀察劉典祥字營劉騰祥札營公坡墟觀察王文瑞領老湘營札太平市各營官軍與侍逆大股力戰三十餘次邑令屈懷珠亦隨營効力賊負抗六十餘日七月初旬城內賊眾聞許灣大股屯賊被鮑軍門統領全軍破巢大戮各有懼意官軍奮勇倍增至初十日劉席江三軍逼近縣城賊愈震恐遂於是夜棄城全股遁走宜黃劉席江三統領於十一日黎明收復兩城復派隊跟踪追至三十餘里殺賊數百人此次官軍殺散境內髮賊皆由沈中丞虔請來援之力也統計髮逆擾城五次李逆領眾過境一次前後擄殺百姓數萬餘人焚毀民舍約

數千家惟辦團練各鄉被害尤慘

以上所載情形皆其重者大者蓋自某時始某時訖與失陷城池及官軍克復并各鄉團勇曾經力戰勝負殺傷甚多者俱一一登載至尋常團勇數少時暫未經戰陣及小戰未有殺傷五十六都之中如斯類者指不勝屈微特紀載所不能盡抑亦採訪所不能周商之於眾僉謂擇其緊要者書之較之從前所書寇警已不啻十倍其詞餘則焉能遍及也而曾經辦團練之人尙有曾著勤勞不肯湮沒者如職貢吳元尙於咸豐七年不畏賊害獨出資財邀集同志在民城設立團局以禦賊之

崇仁縣志

卷五之二

武備志

武事

七

吊羊姑老者

賊指富民曰羊姑老

職貢黃體元於咸豐八年奉縣

憲委辦團練自備資斧督率團勇擒拿奸細及一切救民禦賊之事無不樂為報詞確鑿既經呈明未便遺漏叅之眾見僉謂團勇所關非其重大不能與前事合一且前稿業經呈省碍難增入緣叙此二事附於篇後以爲表揚凡辦團練者之一驗云

齋匪情形

附

秋溪汪祿保結連外地齋匪煽惑鄉民持齋入黨同治四年七月間將糾眾爲亂邑令屈懷珠留心察覺飛報中丞邑紳謝希軾謝希祖昆仲同時訪聞亦稟知當路省

垣總兵衙熊得勝帶兵五百名來崇爲防勦計邑令卽
擒汪祿保訊明罪狀聞南城鄢大茂西下鄉周祿保亦
同謀並獲之與汪祿保同解省城一面督飭紳士楊拜
賡陳開箕陳世莖等嚴查黨類俱是無知被惑因卽押
令茹暈免究其罪汪祿保到省伏法解首回崇示眾鄢
大茂周祿保囚禁未決邑令屈將查辦情形及出力數
人列名申詳歸肅清案內彙獎有差